



ТИББИЁТДА ҚЎЛЛАНИЛИШИГА ДОИР ЙЎРИҚНОМА
МААЛОКС®
MAALOX

Препаратнинг савдо номи: Маалокс®

Таъсир этувчи моддалар (ХПН): алюминий гидроксиди + магний гидроксиди

Дори шакли: ичга қабул қилиш учун суспензия.

Таркиби:

Суспензиянинг бир пакетчаси қуйидагиларни сақлайди (15 мл):

фаол моддалар:

магний гидроксиди 600 мг;

алюминий гидроксиди 525 мг;

ёрдамчи моддалар:

Концентрланган хлорид кислотаси 0,018 мл;

Лимон кислотаси моногидрати 9,82 мг;

Қалампир ялпиз эфир мойи 1,89 мг;

Маннитол 37,50 мг;

Метилпарагидроксибензоат 15,00 мг

Пропилпарагидроксибензоат 7,50 мг;

Натрий сахаринати 4,215 мг;

Сорбитол 70% (кристалланмайдиган) 214,3 мг;

Водород пероксиди 30% 9,75 мг;

Тозаланган сув 15 мл гача.

Таърифи: оқ ёки деярли оқ, ялпиз ҳидли, ширин таъмли сутни эслатувчи кремсимон сувоқлик.

Фармакотерапевтик гуруҳи: антацид восита.

АТХ коди: A02AX.

Фармакологик хусусиятлари

Фармакодинамикаси

Маалокс магний гидроксиди ва алюминий гидроксидини яхши мувозанатланган мажмуаси бўлиб, у унинг юқори нейтралловчи ва протектив самарасини таъминлайди. Адсорбция қилувчи, ўраб олувчи ва антацид воситаси сифатида меъда ширасининг юқори кислоталигида қўлланади. Маалокс меъда-ичак йўлларининг юқори бўлимларида оғриқни бир неча соатга тинчлантиради. Маалокс қабзиятларни чақирмайди.

Фармакокинетикаси

Магний ва алюминий гидроксидлари тавсия этилган дозаларда қабул қилинганда деярли сўрилмайдиган ва мувофиқ равишда тизимли самаралар кўрсатмайдиган маҳаллий таъсирга эга антацидлар ҳисобланади.

Қўлланилиши

Жигилдон қайнаши ва қизилўнгачга кислотали меъда ширасининг қайта тушиши билан кечадиган гастрозофагиал рефлюксни антацид даволаш. Симптомлари: кекириш, ўқчиш, қийинлашган ва оғриқли ютиш, дарҳол овқат истеъмол қилингандан сўнг пайдо бўладиган ва энгашганда кучаядиган эпигастрал соҳадаги оғриқда қўлланади (куёш ўрилмаси проекциясидан бироз пастроқда). Даволаш 15 ёшдан юқори бўлган беморларда қўлланилиши мумкин.

Қўллаш усули ва дозалари

Препарат 15 ёшдан катта беморларга қўлланилади.

Маалокс одатда овқатдан 1-1,5 соат кейин ёки оғриқ пайдо бўлганида қўлланади. Маалокс суспензия кўринишида 15 мл дан (1 пакетча) қабул қилинади. Қабул қилиш олдидадан пакетчани бармоқлар орасида яхшилаб эзиб суспензияни гомогенлаштириш керак. Пакетча ичидагисини қошиққа ёки оғизга сиқиб чиқариш керак. Болаларда дозалашни даволовчи шифокор белгилайди. Зарурати бўлганида олдинги қабулдан икки соатдан кейин препаратнинг қўшимча дозасини қабул қилиш мумкин, аммо кунига 6 қабулдан кўп мумкин эмас.

Ножўя таъсирлари

Белгиланган дозаларга риоя қилинганда препаратнинг ножўя таъсирлари аҳамиятсиз.

Баъзида кузатилади: кўнгил айнаши, қусиш, таъм билиш туйғусини ўзгариши, қабзият. Юқори дозаларда узоқ муддат қўлланганида – гипофосфатемия, гипермагниемия, гипералюминия, энцефалопатия. Кекса ёшдаги беморларда суяк бўғим касалликлари, Альцгеймер касаллигининг зўрайиши кузатилиши мумкин.

Қўллаш мумкин бўлмаган ҳолатлар

-Оғир буйрак етишмовчилиги, препарат таркибида магний сақлагани учун.

-Препаратнинг компонентларига ўта юқори сезувчанлик.

-15 ёшгача бўлган болалар.

-фруктозани ўзлаштираолмасликда қўллаш мумкин эмас.

Дориларнинг ўзаро таъсири

Антацидлар ичга қабул қилинадиган бошқа баъзи бир дори воситалари билан ўзаро таъсирга эга.

Эҳтиёткорлик чораларини талаб этувчи мажмуалар

- *Хинидин билан бирга*

Хинидин билан бир вақтда қўлланганда хинидинни зардобдаги миқдорини ошиши ва хинидин дозасини ошириб юбориш эҳтимоли катта.

Маалокс бир вақтда ичишга турли хил дори воситалар билан бирга буюрилганда уларнинг сўрилишини камайтиради. Шунинг учун қуйидаги дори воситаларини Маалокс® ни қабул қилишдан 2 соат олдин ёки ундан 2 соатдан кейин тавсия этилади:

- *H₂-гистаминга қарши дори воситалари, этамбутол, изониазид (перорал равишда), атенолол, метопролол, пропранолол, цефдинир, цефподоксин, хлорохин, циклинлар, дифлунизал, дигоксин, дифосфонатлар, фексофенадин, темир тузлари, фторхинолонлар, фторланган натрий, глюкокортикостероидлар (преднизолон ва дексаметазон), индометацин, кейексалат, кетоконазол, ланзопразол, линкозамидлар, фенотиазин нейролептиклар, пеницилламин, фосфор (қўшимчалар), тироксин.*

Эътиборга олиш керак бўлган мажмуалар

- *Салицилатлар билан*

Маалокс® ни юқори дозаларда узоқ вақт мобайнида салицилатлар билан бир вақтда қўллаганда салицилатларни сийдик орқали чиқарилиши оқибатида сийдикни Маалокс® препарати таъсирида ишқорланиши кузатилади.

- *Цитратлар билан*

Алюминий гидроксидини цитратлар билан бирга бир вақтда қўлланиши оқибатида алюминийни плазмадаги концентрациясини ошиши, айниқса буйраклар етишмовчилиги бор беморларда кузатилиши мумкин.

Махсус кўрсатмалар

Махсус кўрсатмалар

Маалокс препарати билан бошқа препаратлар орасидаги қабул қилиш интервали 2 соатни ташкил қилиши керак. Қуйидаги ҳолатларда бемор даволовчи шифокорига мурожаат қилиши зарур:

- тана вазни камайганида; - қийинлашган ютиш ва даволашдан қатъий назар пайдо бўлувчи қориндаги дискомфорт;
- биринчи марта пайдо бўлган овқат хазм қилишнинг бузилиши;
- буйраклар етишмовчилиги.

Қуйидаги дори воситасини фруктоза ўзлаштираолмаслик, глюкоза ва галактоза мальабсорбция синдроми ёки сахароза-изомальтаза етишмовчилигида қўллаш ман этилади, қандли диабет билан касалланган беморларда таркибида сорбитол ва сахароза сақлагани туфайли эҳтиёткорлик билан буюрилади.

Қўлланишидаги эҳтиёткорлик чоралари

Таркибида кам миқдорда фосфор сақловчи парҳез тутиш даврида алюминий гидроксиди организмда фосфор етишмовчилигини келтириб чиқариши мумкин.

Буйрак етишмовчилиги ёки сурункали диализ ҳолатларида препарат таркибидаги магний ва алюминий миқдорини назарда тутиш керак. Алюминий гидроксиди гемодиализдаги порфирияси бор беморларга хавфсиз эмас бўлиши мумкин. Препаратни узоқ вақт қўллаш тавсия этилмайди. Агар даволаш даврида симптомлар 10 кундан кўп давом этса, ҳамда касаллик оғирлашиш ҳолатларида касаллик симптомлари сабабини аниқлаш ва буюрилган даволашни қайта кўриб чиқиш керак.

Ҳомиладорлик ва эмизикли даври

Ҳомиладор аёллар ва эмизикли аёлларга препаратни алоҳида эҳтиёткорлик билан буюриш лозим.

Меъда-ичак йўли ўтказувчанлигига таъсир қилувчи алюминий ва магний ионларини миқдорини эътиборга олиш лозим:

- магний гидроксид тузлари диарея чақариши мумкин;
- алюминий тузлари ҳомиладорлик давридаги қабзиятни чақариши ва уни кечишини ёмонлаштириши мумкин.

Ҳомиладорлик даврида препаратни юқори дозаларда ва узоқ вақт қабул қилишдан сақланиш керак. Даволаниш даврида эмизишни давом эттириш мумкин. Магний эмизикли даврда қўллашга мос ҳисобланади.

Дозани ошириб юборилиши

Магний дозасини ошириб юборилиши нормал буйрак функцияси нормал бўлган беморларда кўпинча ҳеч қандай токсик реакция чақирмайди. Шунга қарамасдан, магний билан захарланиш буйрак етишмовчилиги бор беморларда ривожланиши мумкин (“Қўлланишидаги эҳтиёткорлик чоралари” бўлимига қаранг).

Токсик таъсири қон зардобидаги магний миқдорига боғлиқ. *Токсик таъсир белгилари:* артериал босимнинг пасайиши, кўнгил айнаши, қусиш, уйқучанлик, рефлекслар сусайиши, мушаклар толиқиши, нерв-мушак фалажи, брадикардия, ЭКГ ҳулосасининг ўзгариши, гиповентиляция. Ўта оғир ҳолатларда нафас фалажи, кома, юрак ёки буйрак функциясининг бузилиши, анурик синдром.

Магний дозасини ошириб юборилишини даволаш: регидратация, жадаллашган диурез. Буйрак етишмовчилигида гемодиализ ва перитонеал диализ зарурияти бор.

Чиқарилиш шакли

Суспензия пакетларда 15 мл дан.

30 донадан тиббиётда қўлланилишига доир йўриқнома билан бирга картон қутига жойланади.

Сақлаш шароити

25°C дан юқори бўлмаган ҳароратда сақлансин.

Болалар ололмайдиган жойда сақлансин.

Яроқлилиқ муддати

2 йил.

Яроқлилиқ муддати ўтгач қўлланилмасин.

Дорихонадан бериш тартиби

Рецептсиз.

Ишлаб чиқарувчи

ФАРМАТИС, Франция ишлаб чиқарган

САНОФИ-АВЕНТИС ФРАНС, Франция учун

Ўзбекистон Республикаси ҳудудидаги дори воситасининг сифатига тегишли шикоятлар (таклифлар)ни қабул қилувчи ташкилотнинг манзили ва номи:
«Санофи-Авентис Групп» компаниясининг Ўзбекистон Республикасидаги ваколатхонаси
Ўзбекистон, 100015, Тошкент ш., Ойбек кўч., 24
Тел.: (998 71) 281 46 28/29; Факс: (998 71) 281 44 81
www.sanofi.uz